

U LAMBOK BAD U EHBOK



Webster Davies Jyren

29 OCT 1998

Webster Davies Jyrwa

10 JUN 2000

U LAMBOK bad U EHBOK

U LAMBOK bad U EHBOK

—

LA PYNMIH DA U NONGTHOH

Price R 5.6

U LAMBOK bad U EHBOK

SECOND EDITION

All rights reserved

1985

SHIKYNTIEN

Ha ine i kot iba rit, nga la pyrshang ban wanrah ia ka jingshisha ba ka hok ka don la ka nong ha kaba kut. U briew uba kren ia ka hok bad uba trei shitom bad trei hok u ioh ia la ka bainong ha kano kano ka dur ; ka lah ban long ha ka dur ka spah, ka burom ne ka jingsuk kaba kham palat ban ia ka spah bad ka burom.

Nga la thoh ia kawei ka jingialehkai (short play) kaba la pynialeh na ka All India Radio ha ki snem kiba la dep ha ka ktien phareng. Kata ka jingialehkai ka long—'HONESTY PAYS'. Da ka jingai jingmut ki paralok, nga la sdang ban thoh ia ine i kot. Nga pynpaw ka jingsngew-burom eh ia ki.

Ka jingthmu ba nga pynmih madan ia ine i jingthoh ka long ban bsut ha ki khynnah, naduh ki dang khamrit, ia ka jinglong kaba hok bad ka jingieit, jingburom bad ka jingkitkhlieh ia ki kmie k'kpa bad ka jingiaieit shipara kaba tej ia ka long ing. Ine i kot i ai jinghikai ruh ia kiba la san kumjuh ban, nym duh jingkyrmen ha kane ka pyrthei kaba dap da ki jingeh bad jingjynjar hynrei ban iai kamai ia ka hok. Bunsien ngi klet ia ka jingshisha ba ka KUTLAD ha ngi ki briew ka long pynban ka kabu ba Uta Uba la thaw iangi U iohlad ban pynpaw ia la ka Bor ka jinglong Blei ban plie ia ka LAD kaba kham bha ia ngi ki jingthaw jong U.

Nga ngeit ba ine i jingtrei barit jongnga in iarap ia ki nongpule ban ioh ia kine ki jingshem mynsiem.

Nga ai khublei ia i bah Gilbert Shullai iba
la kloi ban ai ia ka Lamkhmat ia ine i kot.

KHUBLEI.

Webster Davies Jyrwa.

**Dated Jaiaw Langsning
J S Bakery & Confectionery,
Shillong.
The 30th December 1984.**

SHIKYNTIEN ARKYNTIEN

Riatsamthiah (Mawkhar)
Shillong—793001
EAST MEGHALAYA
29th December 1984

I Bah Web (Webster Davies Jyrwa) i la ong ia nga ban “shikyntien arkyntien” ia kane ka kot jingiathuhkhana jong i ba la jer kyrteng U LAMBOK BAD U EHBOK. Nga la pule, bad katba nga dang pule, ka pynkynmaw ia nga ia ka jingiathuhkhana shaphang U SANDY BAD U RUBY ha ka poitri “SANDY” kaba don ha ka kot poitri—KA DUITARA KSIAR jong u Myllung Soso Tham. Bad nga sngew kumba ka jinglong jong u Kpa u Thomlin ha kane ka jingia-thuhkhana ka iabeh ia ka jinglong jong uto u Rangbah ha ka poitri “U SANDY” ba la buh ha kine ki kyntien jong ka poitri :—

‘Ko hep baieit’,—Nga tem ktien te,

Kumta u sngap shuwa ;

‘Koit, ia u Ruby wat sahnud,

Ngan sumar hi ma nga’.

‘Khublei’ u ong ‘Khublei ia phi !’

Ka khmat jong u ka phuh ;

Te ngain ki khlur na u ki lip—

U Sandy um don shuh !

Ki jingiathuhkhana lyngkot kum kine ki long kiba myntoi, khamtam haba ki don ha ki, ki symbol pyrkhat pyrdaiñ bad symbol jingsreng jingdraw..... Ka Janai ka long ka khynnah kaba bha, bad kam long ruh kaba laplah ; ka dok biang-biang, khnang ban ym lali shiliang. Haba ka don ka sakhi kaba biang ban pynshisha ba u

Ehbok um shym tuh, pynban, ban ym pynmong ia u Thomlin, u hynmen jong ka, ka da ap bad buhteng ban iathuh. Ka jinglah bad jingtbit jong ka, ka la diad ia ki ummat kiba kthang bad sopspain ia ki jingmong kiba pdang.

Ngam sngewdei ban tai hangne ia ka jingtuid jong kane ka jingiathuhkhana shaphang U LAM-BOK BAD U EHBOK, namar ki nongpule kin ym shem jingeh bad ioh ia ka pasoh bad kin lah ruh ban ioh ia ki kyrkhoit kiba bang bad ba shngiam. Nga sngewdei ban ai ka jingiaroh ia i Bah Web iba la iai trei bad iai pyndonkam ia ki sap ba U Blei Trai Kynrad U la ai ha i. Nga ngeit ba kito ki kyntien kiba don ha kato kawei ka jingrwai ka iai sawa ha ki tyndong shkor jong i—

“Ai ba man ka khyllipmat,
Ei-ei khyndiat ban buh”.

I Bah Web i la lah ban buh bun kiei-kiei ha kaba ki longdien kin ia ioh ban pyndonkam mon sngewbha ; la ka long ki jingrwai, ki drama, ki esse bad kiwei-kiwei. Lada shu shong pynlut por hi te, lehse lah hi kein ban shu ia kdew hangne kam long, hangtai kam biang ; hangne kam shngiam, hangtai kam thiang. U Babu Nissor Singh Nongkynrih ha kaba u pynwan na ka ktien Phareng ia kawei ka jingrwai—“There's no time for idle scrooping”, u buh ha ki kyntien ba shongkun bad ba shongshai kumne—“Jingkren beid beid hei ! ym don por”. I Bah Web i la dai uwei na ki nongthoh kot Khasi uba ka Khasi Authors Society ka la sngewbiang ban typrong ha hi typrong jong i la ka kam Vice-President ha kine ki snem ba la leit nob.

Kumba phai biang sha kane ka jingiathuhkhana shaphang U LAMBOK BAD U EHBOK, i Bah Web i la lah ban pyni ia ka dor jong “ki jinglong kiba bha” bad ia “ki jinglong kiba bha” ba la pynpaw lyngba ki jingiakren hapdeng u Lambok bad u Ehbok, bad kumjuh ruh lyngba ki jingjia kiba ki la ia tyngkhuh ha ka jingim jong ki; bad ka phalang ruh ba ki pdiang hun mynsiem ia ki jinghikai shong tynrai ba la ioh pateng na la ki kmie ki kpa bad na ki longshuwa manshuwa kiba u myllung Soso Tham ha ki kyntien jong ka potri u ong—

“Lamler kim nang, kim tip ka Thok,,
Ha ki ka ieng Rangbah ka Hok”

Khlem don kano-kano ka jingsngewsyier lane jingsngewkhohñioh, nga sngew ba kane ka jing-iathuhkhana shaphang U LAMBOK BAD U EHBOK ka long kaba biang ban pule paidbah.

L. Gilbert Shullai
Ex-Chief Executive Member
Khasi Hills Autcnomous
District Council,
Shillong.

C O N T E N T S

(Ki Khung)

	Pages
1. U Lambok bad u Ehbok 1—27
2. U Traishnong bad ki Hok jong U	... 28—38



**Ki por basuk. Ka Sukmon bad la ki khun—
U Lambok bad U Ehbok ki ialeit lum.**



**Hadien ba ki la iathuhkhana bad ia dwai ki la
iathiah moh jai.**

U Lambok bad U Ehbok

Hadien ar snem ka jingiap jong u kpa jong u Lambok bad U Ehbok, ka Sukmon ka kmie jong ki ruh ka la leit bud ia la u lok sha ka ri kaba kam lah shuh ban wan phai pat. Baroh arngut shipara ki la ia long khunswet bad kim don kmie nah kmiesan ne kino kino ki thana kiba iajan bad ki. Shipor arpor hadien ka jingiap ka kmie dang don kiba iawan synran bad iawan rah bam wan-rah dih ia ki hynrei ym don ba lah ban wan leh isynei ne ban wan pynshngaiñ ia ki shi junom.

Ka Ingtrep jongki ka la kynjah. Ym don ba peit shuh ia ka kper ka phrah, ka sem syiar sem sniang bad ia ka lum rep jongki. Ki sim kim rwaí sngew-tynnad shuh, ki syiar kim kynktok shuh, ki para khynnah kim wan ialeh kai shuh kumba ki ju wan. Ki aiom ksiar basuk bakmen ki la siang la ki sner bad her bak shajngai na i trep ka Sukmon bad u lyoh-u baiong u sdien lydui.

Kum u hynmen uba la kham sngewthuh bad iohi nyingkong ia ka sngi u bnai, U Lambok u la sngewthuh ba ka lyngkor ka jingkit ia u para ka la hap halor ki tyrpeng barit jong u bad ula sdang ban leit bylla ban pyndap ia ki jingdonkam baroh. U Ehbok u leit skul hi uba pli bad ynda la'wai skul, u wan sha ing bad trei ki kam rit kam ri katba u lah ei ban pynsting ia la u hynmen. Ynda la wan sa u Lambok na la ka jingbylla, ki sa ia bam ia dih bad kim ju klet ban da ainguh ia U Blei shuwa ba kin thiah.

Haba ki la ia dep bam dep dih, u Lambok u ju ai ki jinghikai ia la u para katba u lah ei, kumno ba un long uba tpsngi bad uba minot ia la ki kamram ha skul bad ban kiar na ki jing-sniew bad ki jingpynshoi ki parakhynnah. U ju ban ia u ba u dei ban kynmaw ba u long tang u khunswet bad ba um dei ban ia tynneng ia kiwei pat ki para khynnah skul jong u. U ju pynkynmaw ruh ia u ia ki jingsneng jingkraw jong ka kmle haba ka dang don bad ki, kumno ba kin long ki khynnah kiba donburom, donakor bad ba ka pyrthei kan nym loh ban kdew kti ia ki.

“Phi kynmaw Hep” u ong, “I Mei i ju ong ba ka hok barobor ka siewdor ha kaba kut.”

U para u sngap dogong ia ki ktien u hynmen bad u ong, “Bah, ngan ialeh katba lah ban kohnguh iaphi bad da ka jingiarap U Blei nga ngeit ba ngan lah shisha ban long uba hok wat la ngi im ha ka jingduk bad jingkyrdub. Nga ngeit ba shisen ka sngi U Blei Un sa ai ha ngi ia ka balnong.” U jaw ki ummat bad u ong pat, “Bah, nga kyrmen ba ngan lah, ha kawei ka sngi, ban siew kylliang ia phi.”

U hynmen u pdang ka dohnud bad u um ka mynslem haba u iohi ia u para ba u don kata ka jingpyrkhat rangbah bad u ong, “Hep, U Rlei Un ri Un sumar bad Un btin ia ngi haduh kaba kut ka jinglm jongngi.”



**U Lambok u sneng la la u para—
U Ehbok shwa ba un lelt skul.**

Kumta ki iaid ki sngi sha ki tafew, ki tafew sha ki bnaí bad ki bnaí sha ki snem. Kine ki khynnah, la ki long kiba duk bad kyrduh tam ha kata ka shuonng, pynban ki la long kiba suk bad sngewbha tam. Ka khmat jongki ka phuh samrkhie kat shaba ki iaid. Ki briew ruh ki leit ia ki namar ki kren tang da ki ktien bha bad ktien jali jaum bad shynroifi riap kat ia kiba ki iakynduh. Ha ing ka synshar ka jingsuk suda. U hynmen shuwa ba un leh ia kaei kaei u da iathuh shuwa ha u para; bad u para pat lada u kwah ban leh ei ei u da pan jingbit na u hynmen. Wat la ki long kiba dang rit, pynban ka nuksa kaba bha ka ring ia ka jing-leit ha kiba iashong iasah marjan.

U Blei barobor U Phrang ia ki briew, kumba phrang u bania ksiar ia ka ksiar haduh ba kan da long kaba nylla. Kumta ruh imat ka fajia ha ka jingim kine ki khynnah ba duk bapli.

Hadien ka jingkhriat jong ka tlang kaba pyntyrkhong ia ka pyrthei ka mariang, ka poi ka pyrem bad ki kjat sngi balung jong ka ki pyasyaid ia i trep ki khunswet. Ka Meilum ka iawer ia u Ehbok ban ialeit lum ha ka-wei ka sngi hadien u 'lap pyrem. U Ehbok uba ju sngewkmen ban leit lum bad la ka kmie haba ka dang don lang bad ki, u la pan

jingbit na la u hynmen bad ha kawei ka step u la leit bud ia ka Meilum. U la shang ia lyngkha jong ka bad u la wad ia u jamyrdoh ban rah sha ing. Harud lyngkha u la ioh-sngew ia ka jingpah jong ki sim bad u la par sor bad siat ia ki da ka jri. Ynda ki sim ki la her u iohi ia i skum sim ha tnad uwei u dieng bad u kiew bad shim ia ita i skum ba don iwei i khun sim. U la kmen katta katta bad rah ia ita i skum bad i khun sim sha ing bad u la pyni ia ki ba la u hynmen. U hynmen u bym ju sngewbha ban iohi ia ka jinglehheñ ia kiba rit, u la sngewsih hynrei um kwah ban pynsngewsih ia u para uba pli, u la leh kumba u lakmen lang hynrei ynda ki la sdang iathiah mynmiet u la kren da kaba jem jal ia la u para.

"Hep" u ong, "Phi kynmaw, imei haba i dang im katno i leit i sumar iangi?"

"Hooïd bah," la ong u Ehboz.

"Te phi i hep, im ju sngewbha ba kiwei kin leh beñ ne leh tohmet iangi" u bam biang.

"Hooïd bah", la ong u para.

"Te phi i hep, wat la phi leit ia i khun sim ba phi wan rah bad ba phi la sumar bba ia i ruh hynrei ka kmie jong i ka khreñ leitl ia i bad katta ka lai wad ia i. Phi la rah ia ka skum basyald jong ka. Tharal lada don barah noh iangi bad ia i trep kumno i mei in sngew ha ka por ba i dang im?" la bteng ktien u hynmen.



Dangstep, U Ehbok u leit buh noh la l skum sim.

U para u la sngewthuh bad u la ong ia u hynmen ba dangstep un leit buh nob ia i skum bad i khun sim ha ka jaka kaba u la shim ia ki.

U hynmen u la dap da ka jingkmén ba u para ula sngewthuh, khlem da pyni ia ka jingsngewsih, u kdup ia u para bad baroh arngut ki la iobthlah suk jai.

Ha kawei ka janmíet ynda u para u la wan phai na skul, u la trei la ktab, u la shet la tiew bad u la ap ba u hynmen un wan ba kin íoh ia bam ia dih, íathuhkhana baroh shipara. Hynrei u hynmen um poi ha ka por ba u ju wan. Katno katno ruh um wan. Kumta u para bapli u la sdang pisa ia ka jingjab slem jong u. U la mih na ing ha phyllaw, hynrei um poi hi. U la mih sha surok, u laid sharum shaneng bad sa shipor u íohi pynban la kaei kaba um lah khlem da jaw ki ummat. U íohi ia la u hynmen ba ka jingbtin jong arngut ki briew, uwei sha kadiang bad uwei sha kamón.

“Bah” u lynniar, “Wow ! Bah ! Balei Bah ? Ah Blei, balei ia ngi kumne ?” U la btin lang ia u sha ing. Ynda poi ha ing, ki pynthlah ia u hynmen ha jingthlah bad kita ki briew ki íathuh ba ki lap ia u Lambok harud lynti bad u thlah lytar bad ímat u shitom. Ynda ki la íakren ia u, ki ong ba kl sa sngewthuh ba la bret ia u da ki ‘riewdusmon kiba la shoh ia u.

U Ehbok bapli u kyrpad ia kita ki briew ba kin leit pynkhot lem da u Doctor namar ba u Lambok imat u shitom eh, wat ban kren ruh u shitom. Kita ki briew ki la sngewdei namar ki la isynei ia ki. Kumta u Ehbok ha la ka jing-sngew khunswet, u iam marwei hangta bad u pyrkhat ba dei na ka bynta ban suk ma u ba u Lambok u la shah haduh katne. U sngew myllung ia la u hynmen bad ki jingpyrkhat ki shoh ha u. Shipor um sngewthuh u don haei. Ka jingkyndit bynriew ka wan pat ha u ynda la wan phai kita ki briew bad u Doctor.

Tang shu poi u Doctor u la sngewsynei lypa ia kata ka ing, na ka jingiathuh kita ki briew, kiba la iathuh ba u shaphang kita ki khynnah. U tang shu peit ia u Lambok u la isynei eh ia u bad u la kut jingmut ba katba lah, un faleh ban ai ka jingsumar kaba bha tam ia u. Hadlen ba u la dep ai ki dawai ki ban iarap ia u Lambok, u Doctor u leit noh, bad u kular^{sa} un wan jngoh biang ia u ha ka sngi kaba bud.

U Lambok, ynda ula dih ki dawai, u la kham loh jingiarap bad u la lah ban lohthiah shipor. Ynda u la kyndit u la tip briew. U peit sha u para bad u pan um ban dih. Katno ka jingkmen u Ehbok ban shem ba u hyamen u la kham l don jingkyrmen pat ban im. U ai k^{sa} ka um da ka jingkmen ba un dih.

U Doctor u wan minot man ka por ban ai jingsumar ia u Lambok bad da ka jingsumar ba sbun jong u, u Lambok u la nang lohbor.

Hadien shibnai, u Lambok u la lah ban laid ban nengtargba un leit trei leit ktah te um pat lah. Hapoh ka shibnai ba u thiah pang, ki pisa baroh kiba u la lah ban kynshew ki la lut bad kin jin da lut tang artalew mynshuwa lada ym dei da ka jingiarap lem ki para marjan babha. Mynta kumno kin im had daei yn siew bai dawai? U Lambok u la khuslai bad kata ka jingkhuslai ka la pynlong ia u ban ring tlot biang. Ban shu iapan eh na ki briew rub, um mon wat la u tip ba baroh kin iarap ia u. U kun ia kine ki jingpyrkhat baroh ha la de bad um kwah ba u bapli u u para un khuslai bad jynjar mynsiem na ka bynta kata. Hynrei kawel pat lada um lathuh lem ha u te hano pat un pynpaw ia kata ?

U peit ia u Ehbok bad u isynei bad sngew myllung namar jong u. U kynmaw ia ki por ba kaba ka kmie ka dangdon ryngkat bad kl, bad u lynñiar shla, "Wow mei ! ngan leh kumno ?"

Ha kata ka mlet u pyrkhat khuslai baroh shimiet bad um lohthlah satia. U phai diang-diang mon-mon bad um lah ban leit ka khmat. Ynda u shong kumne shipor u Ehbok ruh u kyndit bad u lohi ba u hynmen um lohthlah bad u khuslai bad pisa. Kumta u la kylli, "Balei Bah ~~phl~~ thlah, phl pyrkhat aiu ?". U Lambok u pyrkhat ban buhrieh na u para ia la ki jingpyrkhat khuslai bad u ong, ba um lei-lei bad u ong ia u ba un thlah noh. Hynrei u para uba la suba ia ka jingbym i suk mynsiem u hynmen u peit ia u bad u jaw ki ummat. Um lah kun shuh bad u

ong, "Bah, nga tip phi khuslai na ka bynta jong nga. Bah haleit jongnga, wat pynjynjar sieh bah ia la ka mynsiem ioh phi nang shitom. Nga tip Bah, namar nga iohi phim don pisa shuh, phi sa khuslai katne katne. Wat leit khuslai shuh Bah, thlah noh khyndiat. Ieh ngan leit wed jingtrei noh manga, nga ngeit ngin ia im hi da i jingioh barit jongnga bad da ka jingdon ryngkat U Blei".

U Lambok u jaw ki ummat bad u ong, "Hep, phi dang dei ban leit skul, bad phim dei, kat ka rta jongphi ban pyrkhat kumta. Hep ba-
leit jongnga, nga uba dei bad kit iaphi ruh U Blei U shah ban jia la nga kumne te Hep. To ieh mo Hep, kaba bha suda kaba leh ma U, lehse U pbrang iangi ba lyngba kine ki jingeh ngin nang ban kham iei ia U bad nang ban teh song ia ka jingieit jong ngi shipara. Khun swet ngi long ha ka pyrthei, tang U Blei Uba iohi bad tip lut ia ngi".

"Wat khuslai Bah", kem ktien u Ehbok. "Wat ong ba phi sngewsih ba ngan mih leit trei leit bylla manga. Ngin ia kit kylliang kylliang keif Bah. Haba phi shait phi khlaia ma phi, phi leit trei man ka sngi ba phi kwah ban pynnang pynstad langa, hynrei haba U Blei pat Um ib kumta, ngin shu hun keif Bah. Ieh, naduh mynia, shong noh maphi ha ing ngan leit bylla sa ranga pat keif. Katba ioh ei ngin ia bam bad, pynlut bai sumar de la phi. Mano ba lah ban tip ba lehse, da kane ka jingjia ngin poi pynban sha ka

burom kaba ym don ba khmih lyaff, bad ha kata ka por ha kaba ngin leng nalar u lum ka jing-shah shitom ngin iohi ba katno ngi la ialeh shitom; ngin iohi ba katno ngi la ialeh shitom ban klew bad mynta ngi la poi ha kliar, da kaba ngi laid ryngkat ryngkat ha ki them ki at jong ka jingim".

Hamar kata ka por ki lohsngew ia ka ryndang u saw shyrtonng lyngba ka jingdum jong ka miet.

"Hep, lah da kynih syiar sieh?" la ong u Lambok.

"Hooïd keiñ Bab; thiah noh phi, wat pyn-khuslai ia lade, thiah noh sa tang shiphang ka pyrthei kan sa shai bad ka jingdum jong ka miet kan sa wai noh da ka jingwanpaw jong ka step".

Kumta baroh argut ki la ia pynbeit noh ha la ki jingthiah bad ki iohthiah jar.

Dang step, ka jingpah ki sim ka pynkyndit ia u Ehbok bad u khie noh. U shiew ding, u shet u tiaw suki jai namar ba um kwah ban pynkyndit ia u hynmen, ba u ngeit ba ka jingiohthiah, khamtam ha kiba pang, ka dei ka dawai kaba bha tam. U pyrkhath ha lade da kano ka lad bad mel un loh lad ban leit trei, um salia wat la ka lora ka jaid kam kaba kumno kumno ruh, tang ban loh ka jingsumar kaba biang ia u hynmen. Ha kita ki jingpyrkhath kynsan u lohsngew ia ka jingkhoh u hynmen ia u. U Ehbok u leit bad u leng hajan ka jingthiah.

"Nga sngewsih te hep", la ong u Lambok, "ba phin hap ban iebnoh la ka jingpule bad ka skul bad ban leit bylla".

"Kadel phi Bah; hynrei wat leit sngew ei ei. Ieh ngan leit mynta bad ngin sa iapeit keiñ. Lehse yuda phi la kham khlañ maphi pat bad phi la lah ban leit trei leit ktah te ngan sa leit skul biang. Wat nym pyrkhatei ei shuh, dih noh khyn-dlat ka jingdih ba phin khlañ".

U para u wanrah ka dud bad ka pylleng bad u pynbor ia u ban dih. Katba u dang dih kumta u ong, "Tip hngno keiñ hep phin loh jingtrei? Ha ka jaka jong nga ruh ki la lah loh bad pyn-trei da uwei u briew, ki ong. Te shano phin leit wad jingtrei mo hep?"

To sieh bah ynda phi la dep, ngan sa leit sha ing jong i bah Rang bad ngan kyrpad ba in pyn-wad jingtrei kaba kumno kumno ka kam ruh kam lei lei".

Haba u Lambok u la dep dih ia ka dud bad ka pylleng, u para jong u, u khreh ban mih ban leit sha ing u Bah Rang. Hynrei ryngkhat kumba phah manore, wan mih dagung u Bah Lat.

"Kumno u la long u Lambok? Nga khlem da loh wan mih la lai-saw sngi".

"I la kham jem phi", jubab u Ehbok "Rung shane seh".

“Wa u Lambok! Khlañ noh mo! Ngia nang ia donbok lem nangi baroh keiñ. Uba ialeh dusmon kum ia me u khynnah tipsngi te un kit ka pap shirta. Ban shu shoh beñ bad bret sha khap ia u khynnah bapli ..shi...ka dei tang ka kam jong u nongshobnoh nonglute u ban da ia loh la ka bainong.”

“Phi smat bba mo Bah Lat, imat dang step phi la khie?”, kylli u Ehbok.

U Bah Lat u ong ba u mut artad ban leit wad khynnah namar don kawei ka briew kaba kwah nongtrei bad lada loh te ka ong ba ka kwah da u khynnah shynrang. U Ehbok u peit kylliang sha u.

“Ngan leit pyntylli shaei phi, shano hi ban loh uta u nongtrei ?” la ong u Bah Lat.

“Bah Lat” ong u Lambok, “Dei U Blei Uba phah iaphi ban rung hangne, phi i namar la kut baroh ki lad bad mynta I bep i dang krech ban leit wad jingtrei kat shaba ion”.

“Kata te la blang eh keiñ”, la ong u Bah Lat. “Ieh ngan ialam ia u Ehbok mynta ki ka ngi bad un sdang trei noh uba pli, haba ka jingjynjar katne. Ngan pyniakren manga ba kin khem pyrkhat ia ka bainong”.

Kumta ki la lakut ba ynda ladep bam dep dih, u Bah Lat un sa wan khot ia u

Ehbok ban leit ialam sha ka ing jong ka Mahajon kaba don jingtrei ban ai ia u. U Bah Lat u mih noh.

U Lambok u sneng bad pynkynmaw ia u para u da ong, "Hep, to U Blei Un don rangkat bad phi, bad kane ruh ka long ka jing-ialam lynti jong U. Da kynmaw barabor ia ki jingsneng I Mei ban long uba bok ha kiei kiei baroh. Wat nym ikwah hep ia kaei kaei ka bym dei la ka jong, barabor ri la ka burom, bad long u briew uba kiwei ki lah ban shanlah".

Hamar kata ka por u Bah Lat u lah da wan bad u Lambok u la ong ia u para jongu, u Ehbok ba un pynkloi bad ba un nang bam ja noh ialade bad ba ma u pat un sa bam hi namar um pat sngew thngan. Kumta tang shu dep bam bad hadien ba u la kren ia u hynmen, u Bah Lat bad u Ehbok ki ia ieng ban mih noh.

Hadien ba ki la poi ha kata ka ing bad la dep pynbelt ia ki rukom trei baroh bad pynthikna ia ka balmong trei, u Bah Lat u wan noh. U Ehbok u trei smat bad um ju phlehnohei ia la ka por haduh ban da dei ka por ba un wan phal sha ing.

Ha kata ka ing don u kpa, ka kmie, u khun shynrang bad kawei ka khun kynthel. U

kpa bad u khun shynrang uba kyrteng U Thomlin ki long kajuh ka jinglong kaba ehrang bad ka bym don jingisynei iano iano ruh. Ka kmie pat ka kham don ka mynsiem bha, tangba ka ieit palat eh ia u Thomlin bad kam ju nud ban pynsngewsih ia u. Ka tip shai ba ka long ka bym dei ban zimou eh ia u, hynrei tang ban pynsngewbha ia u khun shynrang ba marwei jongka, ka thom ia ka jingiatip lem baroh. Dei tang ka khun kynthai jongki, ka Janai kaba pher na ki baroh. Kane ka khyannah ka kham poh rta khyndiat ia u Ehbok bad naduh ba ka dang rit ka ju don ka mynsiem kaba lung bad ka long kaba isynei ia ki briew ki ba shem jyar. Ka Janai kam ju da kham sngewtynnad eh ban ia shongkai bad u kpa haba don u Thomlin. Kam lah ban sngap ia ki khana khyllaw u hynmen bad haba u kpa pat u nang pynshur ia u ban kop la ki paralok, bad u ju ong ba ma u u long uba palat liam ia ki baroh.

Ka Janai ka kham sngewtynnad khyndiat ban ia shongkai tang bad ka kmie namar imat ka kmie ka kham don ka mynsiem kaba jem bad kham sngewthuh ban ia u kpa.

Ka Janai, man la ka step ka khie dang step bad ka leit laid kai sha ki lum bad ka ju rat bunjaid ki syntiew khlaw bad ju wan thung ha la i kper iba ka ieit eh, iba imat ka ju sngewbha ban pynlut la ka por ha i bad ban

jngoh bad nujor ia ka jingstad phylla U Blei Uba pynlong ia iwei pa iwei i sla, i shylluit bad ki kop syntiew.

Ki por ki lald, U Ehbok u mih na ing dang step ban leit sha la ka kam ba ing ka kmie u Thomlin bad u wan phai pat sha ing ynda janmiet. Ynda pol ha ing, baroh arngut shipara bad u Lambok, ki ia bam ki ia dih, ki fathuhkhana la ine itai bad alnguh ia U Blei man la ka miet shuwa ba kin buh ia la ki khlieh ba jingthiah bad shuwa ba kin khie mynstep. U Lambok bapli um pat da khlain bha, hynrei mynta u la lah ban iarap lem ia u para ha ka shet ka tied, ki kam ing malu mala.

U Thomlin u ju don ka khmat kaba peit ibein kumno re ia u Ehbok bapli. Haba u ioh sngew lei lei kumno ba u kpa bad ka kmie jongu ki iaroh ia ka jinglong u Ehbok, u sngew ingkhong ha la ka dohnud. Haba u don ha ing u peit kliaw ia ki kam ba u Ehbok, u trei bad u pyntur kawei hadien kawei ryngkat ki 'tienkhor bad ka tim ka mai naduh dang step haduh ban da miet ngaiñ. U lyngoh ba uue u khyonah bylla pat um ju saitlah ne pynphal ktien shisien rub, hynrei u trei smat bad bniat ia ki kam baroh. Katba nang bun ki kam itta u nang pynstet bad um ju tyngkal la ka bult ka bor. Kane ka la nang pynsat shuh shuh ia u Thomlin. Kumta u la kut jingmut ban shu pharep noh ia u Ehbok.

Ki Sngi ki la nang iaid, u Lambok imat um lah khie khlieh shuh Baroh shisngi u thiah khuslai bad u up tang lano ba kan poi nob ka por janmiet ba kaba u para un wan phai na ka jingbylla. U ju kren haba u para u la wan bad u ong ba haba u la lah ban leit bylla, un sa phah biang ia u para ban bteng pat iaka jingpule.

Ha kawei ka sngi ia u Ehbok la ong ba u dei ban poi dang step ha ing ka kmie u Thomlin ha ka step kaba bad, namar ba ki donkam ban leit jingleit. Kumta u Ehbok, ha kata ka step, u la min na ing dangstep bha bad u la poi ha ka por ba kim pat sdang khreh ei ei. Ki dei ban ia leit sha kawei ka shnong namar don ka jingkhawai shongkurim kaba heh. Ka Janai ka la mih dang ngir ban leitkai step kumba ka ju leh. Tang shu poi u Ehbok, ka kmie u Thomlin ka theh sha ia u bad ynda u la dep diu ka la ong ia u ban pynkhaid shuwa ia ki kamra namar kiba ha ing kin wan rung iaid lynti ban leit shata sha ka shnong ba don ka jingkhawai. U Thomlin u la khie joit haba u shonggew ba u Ehbok u la wan dang step. U la at khui bad u kruin jong ka jingbishni u la par na ka dohnud jong u bad u la rung sha ka jabieng. U shu iaid leh bun kam sha kata ka kamra ba dang trei kam u Ehbok. bad u da iaid lymbub ia u bapli.

Ka kmie u Thomlin la khreh ban sum, Shuwa ba kan rung sha kamra sum ka leit shuwa

ia ka sati na ka shympriah kti bad ka buh ha ka khyrnit ka dong kata ka kamra ba don u Ebbok, bad ka leit sum ban dep kloī bad ban rkhiang u shñiuh katba dang shitsngi.

U Ebbok um shym iohi ia kata ka jingloit sati bad um kynmaw peit ruh afu ka leh ka kmie u Thomlin. U dem khui ka pynkhuid ia ka madan iug. Hynrei u don uwei uba iohi ba ka kmie ka buh lei reiei ha ita i khyrnit. Uta u dei u Thomlin. U leh myniaid bunlam sha kata ka kamra bad u shim ia ka sati. U la hun ka dohnud bad u ong "katto te u Ebbok un kut la ka sngi—baroh shikatta i pa bad imei ki iaroh tang la u, katto te leh kin iaroh sa kumno pat?".

U Thomlin u mlh bak na ing bad u jah jar khlem wan phai haduh ban da dei ka por bam ja step. U leit sha kawei ka 'lawlynnong, bad u hret ia kata ka sati ha ka thliw ba la tap da ki ñiut bad ki shiah. U tang shu dep òret kumta u wan noh sha ing kum u bym tip ei ei ruh. U ngeit ba ym don mano mano ruh ba iohi ba u leh kumta. Shisha, ym don mano mano ruh u brlew uba iohi ia kata ka jingleh u Thomlin, lait tang ka para jong u hi, ka Janai, kaba, ha ka jinglaiddai step jong ka, ka leit pol sha kata ka jaka ban kheit ia uwei u 'tlewdieng uba pñh itynnad ha ka tnad ka bym da jrong jong uwei u diengbah uba ka la iohi la bunsngi. Ebbok badei ma ka kaba iohi nyngkong ia u hynmen bad ka tang shu iohi ia u, ka rleh lalade ha

ki sañium jong ki dieng ban khmih siar la la u hynmen, u wan leh aiu shata? Ka iohi ba u bret ei ei ha ita i jaka i bym shym jungai na ka. Ka shong khop hangta haduh ba un da leit bad haba ka la thikna ba u la leit, ka mih nangta sor. Ka leit sha kata ka jaka ban peit bad ka iohi ia ka thliew bad ynda ka la peit bha, ka la iohi ia lei-re-iei iba shat phyrnai. Ka krad ia ki ñiut bad ka iohi pynban ia ka sati ka kmie jongka. Ka tang shu iohi ia kata ka sati, ka buhrieh khop ia ka bad ka leit noh sha ing ryngkat u 'tiewdieng ba ka kti. Naduh phyllaw ka la iohsngew ia ka jingkyrbuh lar-eh u hynnen jongka bad ka ioh sngew ruh ia ka ktien "sati" ba u pynmih. Mynta kam shym sngew phylla shuh ia ka doh-nud ba runar bad ba shyrkhei u Thomlin.

Ka rung ha ing. Ka kmie ka iathah ia ka, ba shuwa ba kan sum ka loit ia ka sati bad ka buh ha ka khyrnit kata ka kamra hynrei ynda ka la dep sum ka sati kam don shuh. Ha kata ka por don tang u Ehbok ha kata ka kamra bad dei ma u hi uba shim ia ka, tangba um phla.

"Tip seh Mei, ngam tbarai ba i Ehbok in shim", la ong ka Janai.

U Thomlin u wan mih shata bad ka byrngem aatad ba un phah kem phah set ia u Ehbok ba u sbk-eh ban leh kumne, ha ka jaka ba un sngew-nguh ia ki ba ki al jingtrei synei tang ba un ioh ja kyntien. U Ehbok, da ka khmat kaba shai u ong ba u khlem iohi ia kata ka sati namar u dang bun kam bha. U Thomlin pat, da

ka mynsiem runar jongu bad u thylliej khlem shyfieng u la kyrhuh, "Nga khlem iohi ba me shim? Me sar ia ka kamra, bad lada mem shim mame shaei pat kan jah ka sati? Me thara kan shu jah rngai? Ym don mano mano ruh ha ka kamra, tang ma me hi. Sei kloī ia ka sati i Mei, bad lada mem sei ngan phah kem ia me kumne kumne". U mih noh artat shabar.

Ka Janai ka shu sngap bad ka khlem kren ei ei shuh. Ka kmie u Thomlin ka khrob ia u Ehbok, ka ong, "Pelt Ehbok, lada ka dei ka sati ba nga thied hi, nga lah ban thied da kawei pat bad ba ngan nym iathuh hi ba ka la jah, hynrei ka dei ka sati synjat ba ai u Kpa u Thomlin ha ka sngi ba ngi lapol kha. Lada phi la shlm te sngewbha, Ehbok, ai noh namar lada un wan u kpa lashiblt bad un shem ba phi tuh ia ka, un leh kumno iaphi ngam tip shuh? Ai noh mynta bad ngan sa ong ba nga la bakla jaka buh hi. Lada phi kwah ia ka jingbha, ai noh".

"Ani !Ko kong kynrad, nga khlem shim te, lada nga la shlm U Blei ruh U iohi Ngam ju kwah ia ka bym del ka jongnga, shisien ruh ngam ju shukor iaphi, nga ong ba nga khlem shim bad khlem lohi ruh ia kata ka sati".

"Iathuh hok seh Ehbok, ngan ai iaphi da kawei", la ong ka kmie u Thomlin.

"Kong", ong u Ehbok, "Nga la ong iaphi ba nga khlem shim bad ngan iathuh ia ka hok

bad ka hok ka jongnga ka long, ba ngam shym la lohi satia ia kata ka sati bad nga khlem shim ruh ia ka".

"To kata ieh ynda wan u kpa u Thomlin" la ong ka kmie. Ka ruh ka khlem leit shuh sha ka jingkhawai shongkurim.

U Ehbok u sdang biang ia ki kam ba la si ha u. Baroh shisngi u pyrkhat halade balel keiñ ka leit jia knmne? U shu duwai ha U Blei bad ainguh ia U ha kiei kiei baroh. U lyngngoh ba kumno kata ka sati kan shu jah, bad mano pat ba shim? U pisa bad u khuslai haduh katta katta U nang kham pisa shuh shuh shaphang u hynmen uba dang don hapteng ka jingtlot ba lada u tip ia kita baroh, tip kumno kan long ia u? U kwah pat ban poi noh ka miet khnang ba un loh ban leit iathuh ia kiei-kiei baroh ba la u hynmen.

Baroh shisngi u trei bad kine ki jingpyrkhat bad u sngew kumba u don sha kawel pat ka pyrkhat. Kyngan kynsan shu thaba ki ding ha ka kamra shet ja bad u kyndit thret Ha kata ka por ka kmie u Thomlin ka ong ia u ba ka por ka la mlet bad lehse kan bha ba un leit noh. Haduh kata ka por ym shym la lohi shuh ia u Thomlin, naduh ka por ba u mih dangstep Hadien ba u Ehbok u la lum la lang, u mih noh.

Tang mar ia pol ha ing, u sliew ding bad u pyntlew sha ia u hynmen. U bapli um nang shuh ban leh kumba u ju leh man ka sngi, hadien ba u la wan. Kane ka jingleh ka la pynsuba ia u hynmen.

"Phim sngew shait ne Hep?" u la kylli.

"Em phi Bah, ngam shym lei lei" u ong.

"Balei pat phi leh kumre?" kylli biang u hynmen ia u.

U para u bapli u bym junang ban buhrieh ei ei na la u hynmen, u iathuh lut ia kaba la jia baroh ha ka ing ba u trei. U tere shu dep iathuh u iare, b'd u Lambok u sngap shiphang. Hadien ship r u sa kren.

"Ko Hep nga la ju ong ia phi bym b't ban ikwah ia ka jong ki briew. Balei pat kumre? Lada phi khlem shim te balei kan leit jia kumta? Iathuh hok ha nga u hynmen jongphi bad ngan sa iakren bad u Bah Lat."

U Ehbok bapli, kumba dung da u khnam, um nang shuh ban pyrkhet kumno kumno ruh. Um sngewthuh shuh u don haei? Hakhmat u hynmen u sngap jar, shikyntien ruh um kren katba hapoh la ka mynsiem pat u sngewislade kum u wei u jingthaw uba baroh ki la isih lut ia u bad baroh baroh ki kwah ban ialynthem maw halor jong u. Na u hynmen uba u khmih lynti ban ioh ka jingtogen bad jingsyaid mynsiem, hynrei sa ma u ruh um shanlah bad u suba snlew pynban ia u.

Hadien katto katne por u sdang laif thylliej, u ong, "Ko bah nga nang mut ba phi shanlah ia nga, hynrei pleng phi ruh phi la duh ka jingshanlah ia nga, mo?"

U hynmen um nang jubab bad u la shu sngap
ryngkat kata ka jingban ka jingshitom.

U para ruh u la sdang ban shet ban tiew bad
ban leit rah um rah wah kumba u ju leh. Hadien
ba la ih ka bam ka dih, u Ehbok u la ai bam ia
la u hvemen bad u Lambok, u bym kwah ban
pynsngewsih ia la u para, u la ialeh ban bam
katba lah. U Ehbok ruh u la bam ialade
bad hadien ba u la khleng la sa't ki la iathiah
noh baroh aragut. U hynmen u kwah ban kren
ei ei ia la u para hynrei n mar u la tlot eb um lah
ban kren. U para ruh ubi la sngew ba u hynmen
um shaniah shuh ia ka jinglong nok jong u, u la
shu sngap bad thiah jar.

Ka Janai ka la isyuei ia la ka jong ka kmie
ba ka khuslai namar u kpa ka Janai un sa
byrngem bad u lah ruh ban shoh ia ka kmie jong
ka ynda tip ba ka sati ba u ai ia ka, ka la jah.
Ka sngewsynei ruh ban pyrkat lehse u kpa jong
ka un leit sha ing u Ehbok bad unshoh ne pynkem
ia u. Ba kan iathuh ia ki jiangshisna ruh ka tieng
ioh u hynmen jong ka un shoh ia ka bad lada u len,
ki kmie ki kpa kin kynnoh pynban ia ka ba ka ia
subbu't bad u Ehbok ne ba ka kwah ban iada ia
u. Ka leit sor sha kamra ba don U Thomlin
bad ka la siang ki 'tien leit 'tien jem ia u. Suki
suki ka poi sha ka sati ha la jah bad ka pyni ia
ka ha u Thomlin. U Thomlin u la kyndit katba
lah bad u la kylli ia ka nangno ka ioh ia ka? Ka
Janai ka la ong ia u Thomlin ba kan nym iathuh

ei ei hano hano rub ia kaei kaba ka la iohi hynne mynstep. Suki jai ka la sdang ban pyni ia la u hynmen. Nyngkong ka la kynnoh ia la ka kmie bad ialade ba ki la leit bad iaroh palat ia u Ehbok bad ba ki tharai ba tang ma u uba smat basting bad ba tipbriew. Ka ong ba kam pynrem ia u Thomlin ba u bishni ia u namar barabor ka kmie ka ju iaroh ia u Ehbok ha khmat jong u. Ka la sdang ban ioh ia ka jingshaniah bad sngewjan jong u Thomlin. Ka iathuh ia u ba ka iohi ia u Thomlin ba u bret ei ei ha kato ka khlaw bad ka nang lohi namar ka don hajan u diengsyntiew, tangba ka rieh bad u Thomlin um iohi ia ka.

U Thomlin u la kyrpad ia la ka para ban nym iathuh ha ka kmie ne u kpa jong u ioh kin pynshitom ia u.

Ka Janai ka la kren jem ia la " hynmen bad ka ong, "Bah, u bapli u Ehbok um ju shun ne bishni iaphi, U sngap katba phi ong namar u long u khun swet. Phim sngewsynei ia u? Phi tip um ioh leit skul shuh bad u hap sumar ia u hynmen uba don ha ka jingmysaw kaba jur, bad uba thiah ha ing?"

"Em, Janai, ngam tip. Nga la bishni ia u namar ba i mei i leh ia u kum u khun bad ki iaroh palat ia u," la ong u Thomlin.

Kata keiñ Bah, i mei i don ka jingsngewsynei keiñ ia u bapli, u bym don kpa don kmie

shuh bad uba trei minot namar ka jingduk. Peit lada um ioh shuh ban trei bad ngi, lehse baroh shipara kin ia iap thngan", la ong ka janai.

"Nga ruh nga sngewsynel phi Janai, tangba nga la kum leh bakla, tip yn leh noh kumno mo?" la ong u Thomlin.

"Bah bafeit", ong ka Janai, "namar ba i pa i leit ia phi kam lei lei. Shu iathuh noh ia i mei ba phi buhrieh kai ma phi, tang ban pyntieng ia u Ehbok bad ai noh ia kane ka sati ha i mei. Ngan sa ban ktien manga ba in nym mai ia phi. I tang shu iohi biang ia kane ka sati in sa dap da ka jingkmen".

Hadien kata baroh arngut ki ia leit sha ka kmie bad u Thomlin u iathuh ia ka ba u la buhrieh kai namar u kwah ba u Ehbok un shah mai. U ong ia ka kmie ba u la sngewsih ia kane ka jingle runar jong u bad u panmap na la ka kmie. U la ia ka sati ha ka kmie.

Ka kmie ka la kmen ym don pyrthei shuh bad ka piam ka kdup ia u. Ka la sngewbha eb bad ka la laroh ia ka jingiathuh hok jong u. U Thomlin u la pynpaw ia ka jingsngewsih na ka bypta u Ehbok. Hamar kata ka por, u kpa u la poi ha ing bad ki la ia sngap noh ia kita ki jingiakren.

Baroh shimiet u Lambok u la shitom jur bynrei u la shu kan tiaw namar um kwah ban pynshitom ia la u para. U Ehbok u la kkle dang

step bad u la leit rah um ban shet jingshet. Ynda la thnam ka umkhluid, u la khreh sha ia la u hynmen, hynrei u Lambok um treh dih shuh ia ka sha bad u ud shitom bha. U Ehbok u la khuslai kumno un leh? Lada un leit wad Doctor ruh, kumno un ieh ia la u hyamen marwei? U Lambok u la ong ia la u para ba un shet un tiew bid ba *un khreh ban leit sha la ka kam bad u ong ia u Ehbok ba um lei lei.* U Ehbok, la u dang rit, hynrei u la ithuh ia ka jingshitom u hynmen. U tong da ka umshitja bad u la pyndih ia la u hynmen. U Lambok uba la ithuh ia ka jingsngew-sih u Ehbok u la kren ia la u para.

“Ehbok”, u ong “Nga ngeit ba phi la iathuh hok ianga ba phim shym shim maphi ia ka satl. Ka hok jong phi hi kan sa paw bad i kmie u Thomlin in sa lap hi la uba shim ia ka. Wat pynkhuslai ialade bad map ianga ba nga ruh nga la kum kynnoh ia phi”. U Ehbok, u la shai biang ka khmat bad u la kren ia la u hynmen.

U hynmen u la kmen ha la ka mynsiem hynrei u la khuslai pat kumno un iebnoh ia u Ehbok marwei ha kane ka pyrtnei kaba dap tang da ki jingeh suda, ki jingpihuiñ bad ki jingsniew. U la duwai ia U Blei ba Un plie lad la u para jongu lada u hi u la dei ban khlad noh na kan ka pyrtnei. U la phai sha la u para bad u ong, “Hep, nga ngeit U Blei U sogap ia ki jingduwai jongnga bad Un ri Un sumar iaphi ynda ngam don shuh. Shaniah ha U bad duwai ia U, te Un nym iebnoh iaphi. Nga hi ngan sa leit noh sha

ka ri kaba ngam lah ban wan phai shuh ; ngan
leit ban lashem bad i Mei bad i Pa bad phi ruh
ynda la dei ka por phin sa wan lakynduh bad ngi.
Lada phi long u khynnah uba hok bad uba
tipsngi, ki pata marjan fuh kin nym iehnoh laphi.

U pata u iatn bad u ong ia la u hymmen
ba un nym iehnoh ia u. U dem ha jingthlah u
hymmen bad u lam bhuk shi bhuk. U Lambok,
ha kata ka jingshitom, u pynheit ia la ki jingmu
jingpyrkbat tang sha la U Trai Kynrad.

Ha ing ka kmie ka Janai, ki la lakhustai ba u
Ehbok um wan trei. U Kpa ka Janai u la bitat
lep ia ka jingpép trei jongu Ehbok bad u la kyn-
teit kat ia kiba don. Ka kmie ka Janai kam
banse ban iathuh ia u ia kaba la jia Hynnin ka
ngi bad ka la ong lehse u Ehbok u la tieng ban
wan trei leh ngin phah khum phah teh ia u. U
kpa ka Janai, ynda u la iohsngew ia kiel kiel
baroh u la sngewlem ia u Ehbok bad u la khot ia
u Thomlin bad u la sympat ia u namar ki kam
sniew jongu. U Thomlin u la pan map na la u
kpa. Ka kmie bad ka para jong u ruh ki la lathuh
ia u kpa ba u Thomlin u la pan map bad ba u la
sngewsih la la ki jingleh. U kpa ka Janai u la
phat ia u Thomlin ban leit peit ia u Ehbok bad
ban lathuh ia u ba ka kmie jong u ka la ioh biang
ia ka sati kaba ka la buh bakla.

U Thomlin u la march bad hadien katto
katne por u la wan iathuh ba u Lambok, u hyn-

men u Ehbok u la shitom jur eh bad u Ehbok um lah ban wan trei. U la iathub ba ki ia don tang baroh shipara. U Thomlin u la iathub la kane da ka jingjaw ummat namar u la isynei eh la ki U la paumap blang na u kpa ia ka jingshukor jong u la u Ehbok bapli bad u la kyrpad ia ki ban ialeit sha ing u Ehbok.

Kumta u Thomlin bad u kpa bad ka kmie jongu ki la ia leit bran bran sha ing u Ehbok. Ki tang shu poi, u Ehbok, da ka jingsheptieng ban iohi ia u kpa u Thomlin ioh u wan bau pynkem ia u, u la bat na ki kjat jong u bad u la ong. "Mama, sngewbha ban map ianga, ngam shym shlm shisha shisha ia ka sati jong i nia," U kpa u Thomlin u la pynieng ia u hynrei shuwa ba un ong ei ei, u Lambok u la peit sha u bad u la sdang ban kren mian "Mama", u ong, "sngewbha map ia u Ehbok lada u la kum shim ia ka sati".

U kpa u Thomlin um lait kren shuh baba u la iohi ia ka jingshida bad ka akor kine ki khun swet bad ki ummat ki la jaw na ki khmat jong u. U Thomlin u la piam leit bad sngewlom ia u Ehbok bad u la pan map na u. Ka kmie u Thomlin kaba la lam bhuk, ka la sei ia ka sati bad ka pyni ia ki namar kam nang kren shuh. U Lambok u la wiat samrkhie bad u la shuwa shipor. Hadien kata u la kren.

"Ehbok", u ong "Katno nga la suk namar nga la shem ia ka jinglong hok jong phi. Map ia nga ba nga la suba la phi. Nga sngewsarong



Ka i ka don la ka dor. U Ehbok wat la u duh
noh la la' u hynmen ba u ielt eh, u loh pat la ka
jingsuk-ka jingieit bad ka jingshaniah.

ba phim shym pynjah burom ia ka ing jongngi
bad ia i mel baielt. Ehbok ai ki kti hangoe.
Peit i mei ruh i la rkhe bad kmer hynrei i la
khot ia nga ban leit noh bad i. Ehbok kumno
ngan leit, kumno ngan lehnob ia iaphi. Phi dang
rit eh ban shong marwei—Ehbokani!
ngam sngew don jaka shuh”

“Bah baleit, wat leit seh, wat lehnob ianga
marwei” U Ehbok u la iam tyngch.

U Kpa u Thomlin u la sdang ban kren mian,
“Lambok”, u ong, “U Ehbok un shong bad ngi.
Ngan buh ia u ha ka skul kaba bha eh kaba nga
lah ban buh. Ngan long u kpa jong u bad ka
kmie u Thomlin kan long ka kmie jong u; ka
Janai kan long ka para jong u bad u Thomlin un
long u bymmen jong u Wat khuslai, khie leit
da kaba suk. Nga la shem ia ka jinglong bahok
bad ba lui lui haphi baroh arngut”.

U Lambok u la kren mian blang, “Ah Trai
babha : Me Uba tip ia kiei klei baroh.....
ha Me nga aiti ialadeMel...
Mel... ..”

U Traishnong bad ki Hok jong U

Uei u Traishnong ?

Uwei na ki riewstad ka ri Greek, U Aristotle u ong ba uno uno uba iadon bynta ha ka kam synshar khadar, uba don ka hok ban bat ia ka kam synshar khadar katto katne snem katba dang shah ia u ban bat ia ka kam, u long u traishnong. U traishnong u dei ban long uba lah ban synshar bad uba lah ruh ban shahsynshar, Haba shu ong paitbah, u traishnong ka mut uta uba shong ha ka shnong. Hynrei ka jingbatai kaba khamshai ka mut uta uba long u trai ka shnong ne ka Jylla. Kumta uwei pa uwei u nong India u dei u traishnong jong ka ri India, la u shong ha ka nongbah ne ha ka shnong rit.

Kawel pa kawel ka seng imlang sahlang ka buh ki aiñ ne ki kyndon ia ki dkhót, kumta ban pynioh ia ka jingryntih ka imlang sahlang bad ka jingauk jingshong shngalñ. Uto u bym shah teh ialade da kine ki aiñ ne ki kyndon jong ka jingpyniald shnong ne jylla ne jong ka ri hi baroh kawel lane u bym don jingkitkhlieh ei ei, um dei u traishnong bad um loh ruh ka hok kumba loh u traishnong. U briedwan na kawel pat ka ri bad u bym don ka jingkitkhlieh ia ka rijongu, ngi khot ia u, u pongwei ne u bar ri. U traishnong u dei u bried u ba donhok ban latuklar ia ki kam shnong kam hima bad ia ki kam ka ri bad uba don ka hok ban

Jled ia ki nongmibkhmat ban ia tuklar ia ki kam ka shnong, ka hima ne ka ri bad uba loh ruh ia ka jingiada pyrshah na u nongwei. Namarkata, u traishnong u long u nongshongshnong uba im bad iap namar ka shnong, ka hima bad namar ka ri. Lada don ka jingwan pynsyier ne hiarthma ia ka ri, u dei ban ieng ban lada ia ka. Lada u don ha ka ri nongwei, ka ri jong u ka don ka jingkitkblieh ban lada ia u. U trai shnong u don hok ban loh ia ki jingmyntoi baroh na ka ri.

Kiei ki hok jong u traishnong?

U briew, hadien ba u la roi la man bad u la shong ba ki shnong shijaka jaka, u la donkam ban don ki jingpyniaid ryntih kiba bun ban bit ban suk ka imlang ka sablang. Ka long ka jingshisha ba u briew u pher na uno uno u jingthaw namar u long u jingthaw uba imlang sablang, ym kum ki mrad ne kiwei pat ki jingthaw kiba im marwei ha kblew ha btap. Wat ha ka por hyndai, haba u briew u dang shong ha ki krem ki kroph bad u dang bam da ka dohmrad bad ki sohkhlaw, u shna ki tiar ban beh mrad bad u sliew ka ding ka theh ban syang ne shet ia ka bam ka dib. Um lah ban shu beh mrad m... bad u donkam ki paralok ki ban la leitlang ne ban ialeh ia ki mrad khlaw kiba thmu ban pynjot pynmynsaw ia u. Nangta, u dei ban don sa kiwei pat ki paralok ki ban shet ban tiaw, ban leit wad um ne dieng iap bad ruh ban ia ap ia ki jaka sah jong u na ki jing-

pynjot pynjutor ki mradkhlaw. Suki suki u briew u sngewthuh ba um lah ban im tang ka beh mrad ban pyndap ia ka kpoh ne tang da ki sohkhlaw.

Ki shnong ha kiba ki briew ki seng nyngkong eh ban rep ban riang ki la mih ha ka bynta kaba shatei jong ka ri Egypt, harud jong ka wah Nile. Hangne ki briew ki sdang ban rep ia u kew, u barley bad ia u kynja sainalia ban pynmih ki ksal ban thaili la ki jain. Ki nongrep ki ot ia u kew, barley bad ia kiwei kiwei pat ki jingrep da ki kynja rasbi kiba don bulat. Ki briew ki dang faleh hi ban beh mrad ne kem dohkha hynrei suki suki ki ri sa ki jingri kum ki sulang, ki masi, ki blang bad ki 'langbrot. Ki briew ki loh dohkha da kaba shu riam ne pynap ia ki dohkha ne da kaba shu sum kumba ki dang leh haduh mynta sha ki thaili border jong ngi ha ki wah Dawki, Challa, Kynshi bad Rilang. Ki briew ki sdang baf thaw ki ing ba shu teh lang da ki dieng ne ki maw ba shu tynrong uwei halor uwei bad ki sop da ki sla dieng ne da ki traw, ki snepdieng ne da ki maw stat, lane khyndew. U briew um lah ban pom ne prat ia ki khlaw ki btap marwel. Nangta sa mih sa ki shnong ki thaw. Ynda la roi ki shnong ki thaw, ki mih sa ki jingdonkam kiba bun, kum ki lynti ki syngkien, ka umbam umdih, ka diang ban thang, ki jaka rep ia kawel pa kawel ka ing bad ki tiar ing tiar sem. Nangta lah sa ki jaka shna tiar, ki lew ki hat. Ynda la long ki shnong ki thaw, ki jingdonkam jong ki nongshongshnong